

CAPUT DECIMUM TERTIUM.

SYNOPSIS CAPITIS.

Job hic idem inculcat quod precedenti capite, amicos suos ex ipsorum verbis confutans, et a Deo arguendos asserens; nisi quod hic fortius urgeat suam innocentiam, rogetque Deum, dignetur sibi aperire, propter quae peccata vel alias causas tam graviter affligatur.

1. Ecce omnia hæc vidit oculus meus, et audivit oris mea, et intellexi singula. 2. Secundum scientiam vestram et ego novi: nec inferior vestri sum. 3. Sed tamen ad Omnipotentem loquar, et disputare cum Deo cupio: 4. Prius vos ostendens fabricatores mendacii, et cultores perversorum dogmatum. 5. Atque utinam taceretis, ut putaremini esse sapientes. 6. Audite ergo correptionem meam, et iudicium laborum meorum attendite. 7. Numquid Deus indiget vestro mendacio, ut pro illo loquamini dolos? 8. Numquid faciem ejus accipitis, et pro Deo judicare nitimini? 9. Aut placebit ei quem celare nihil potest? aut decipietur ut homo, vestris fraudulentis? 10. Ipse vos arguet, quoniam in abscondito faciem ejus accipitis. 11. Statim ut se commoverit, turbabit vos, et terror ejus irruet super vos. 12. Memoria vestra comparabitur cineri, et redigentur in lutum cervicæ vestrae. 13. Tacete paulisper, ut loquar quodcumque mihi mens suggesserit. 14. Quare lacerò carnes meas dentibus meis, et animam meam porto in manibus meis? 15. Etiamsi occiderit me, in ipso sperabo: verumtamen vias meas in conspectu ejus omnis hypocrita. 17. Audite sermonem meum, et ænigmata percipite auribus vestris. 18. Si fuero iudicatus, scio quod justus inveniar. 19. Quis est qui iudicetur mecum? veniat; quare tacens consumor. 20. Duo tantum ne facias mihi, et tunc a facie tua non abscondar: 21. Manum tuam longe fac a me, et formido tua non me terreat. 22. Voca me, et ego respondebo tibi: aut certe loquar, et tu responde mihi. 23. Quantas habeo iniquitates et peccata, scelera mea et delicta ostende mihi. 24. Cur faciem tuam abscondis, et arbitraris me inimicum tuum? 25. Contra folium, quod vento rapitur, ostendis potentiam tuam, et stipulam siccam persequeris: 26. Scribis enim contra me amaritudines, et consumere me vis peccatis adolescentiæ meæ. 27. Possuisti in nervo pedem meum, et observasti omnes semitas meas, et vestigia pedum meorum considerasti: 28. Qui quasi putredo consumendus sum, et quasi vestimentum, quod comeditur a tineâ.

Vers. 1. 1. ECCE OMNIA HÆC VIDIT OCVLVS MEVS, ET AVDIVIT VIR. — AURIS MEA, ET INTELLEXI SINGULA. — Præcedentis capitis initio Job Sopharis et aliorum amicorum sermones, tanquam populares modicæque admodum scientiæ, non magni faciendos ostendit, ideoque ipsos ad bestias terræ, ad volatilia cœli, ad pisces maris, ad terram ipsam aliæque elementa disciplinæ causa remisit, ut se non minus ab hujusmodi rationis animæque experibus creaturis, quam ab ipsis, qui scientiæ nomen affectabant, erudiri posse probaret; cum istiusmodi scientia per intellectum naturaliter ex sensuum apprehensione colligeretur. Hic ergo concludit Job, se ea omnia que de divina scientia, potentia, providentia nuper disseruit,

quantumvis magna et admiranda, non magno studio et labore, neque ex peculiari aliqua sibi facta revelatione, sed naturali lumine intellectus, per solam scilicet oculorum, aurium aliorumque sensuum apprehensionem, qualiter etiam medicis ingenii homines earum rerum cognitionem assequi possunt, optime capere. Pulchre autem triplicem recenset cognoscendi rationem, aurium videlicet per traditionem; oculorum per experientiam; et intellectus per ratiocinationem et scientiam, breviter eam subaudiendi, videndi et intelligendi verbis complectens. Quo loco animadvertendum est, non esse satis opera Dei audire, atque adeo videre, ut ex illis ad Dei scientiam erudiamur, nisi eadem animo nostro tra-

Opera Dei non solum percipi-

temus, consideremus, et intelligamus; nec in eo differt stultus a sapiente, quod alter viderit, alter vero non viderit opera Dei, cum omnibus proposita et manifesta sint; sed in eo potius, quod sapiens ea intelligat, stultus vero minime; sicut dixit David *Psalm.* xci, 5: « Quia delectasti me, Domine, in factura tua, et in operibus manuum tuarum exultabo. Quam magnificata sunt opera tua, Domine! nimis profunde facte sunt cogitationes tue. Vir insipiens non cognosceat, et stultus non intelligit hæc; » et hoc malum illud maximum est, quod Deus per Isaiam minatur dicens cap. vi, 9: « Audite audientes, et nolite intelligere: et videte visionem, et nolite cognoscere. » Cæterum cum tres amici se solos sapere et Jobum rerum divinarum penitus ignarum arbitrarentur, opportune ad fastum eorum supprimendum subjungit:

Vers. 2. 2. SECUNDUM SCIENTIAM VESTRAM ET EGO NOVI: NEC INFERIOR VESTRI SUM. — Scio, inquit, et ego id secreti, quod vos soli scire putatis, neque me in hujus rei scientia antecellit: quare frustra de illis me docetis, quæ jam dudum a me cognita et explorata sunt. Neque vero hæc responsio modestie Jobi parum consona videri debet, cum et Paulus in simili de se dixerit *II Corinth.* xi, 5: « Existimo nihil me minus fecisse a magnis apostolis: » non enim modesti et se submissee gentis est id in se convenire negare quod conveniat, cum nulla virtus mendacium in officio suo postulet; id quod sapientem docere puto dicentem *Ezech.* xiii, 10: « Attende, ne seductus in stultitiam humiliter: noli esse humilis in sapientia tua, ne humiliatus in stultitiam seducaris, » *q. d.* Ne per pusillanimitatem nimiam contra id quod dicit sapientia veritatem silentio supprimas, aut mendacium arguere verearis, quando scilicet ad veritatis defensionem aut proximi correctionem conducere iudicabitur. Porro ex his duo licet colligere: unum est, quod in diebus Jobi vigerit philosophia, nec modica etiam tum fuerit scientiæ emulatio; alterum est, quod Job, dum amicorum philosophicam doctrinam floccipendit ac despiciit, ad subliorem, scilicet theologice disciplinam aspiret: quamobrem ad Deum se convertens, et cum eo religiose discipulans subdit:

Vers. 3. 3. SED TAMEN AD OMNIPOTENTEM LOQUAR, ET DISPUTARE CUM DEO CUPIO. — *q. d.* Quamvis ex diversis effectibus excellentiam divini scientiæ ac virtutis non minus quam vos intelligam; non ideo tamen tuto animi sententiam, qua decrevi Deum alloqui, motus cordis mei aperiendo ei qui cordium est scrutator et iudex, et veritatem ab eo qui totius veritatis doctor est exquirendo: non quod vel in minimo ejus iudicia improbare contendam: absit; sed ut vestros errores destruam, quibus me iniuste convincere nitimini, meamque probem innocentiam. Ex quo intelligitur quam magna sit bonæ et integræ conscientie vis,

quantumque illa probis et honestis viris animi tum magis, tum minus, etiam in sapientia non solum viros probos non perturbat, sed etiam maxime reficit et consolatur: qua enim alia re levantur ii, quos sepe homines improbi tradunt, et imperita multitudo contemnit, viles atque adeo iniquos existimat, nisi quod Deo se suaque probari confidunt? Cur enim tales non ament Dei iudicium? cur non ad illud asperum dicente Davide *Psalm.* lxxxii, 1: « Quam bonus Israel Deus iis qui recto sunt corde! » Apte igitur Job, cujus caput molesti et erronei disputatores obtulerant, fatetur malle se cum Deo disceptare; qui cum verax et sapiens sit, nec vera negabit, neque inepte verba conglorabit. Quod autem ait *disputare cum Deo*, idem est ac *verum inquirere*, rationibus utroque acceptis ac redditis, ut pote cum veritatis auctore et assertore; quem in adstruenda vera sententia demisso animo acturus non formidat: haudquaquam enim præfracto et perversicæ ingenio, vincendi aut concertandi studio cum Domino Job disceptat; sed quasi discipulus, qui informari desiderat a magistro, qui modeste interrogat, et causas eorum quæ fiunt aut quæ docentur exquirat; ut que dicuntur melius intelligat, et erroris causas omnes amputet, ne quid in posterum faciat quod magister improbet, aut alii reprehendant. In quo sane nihil apparet, quod modestum et ingenium discipulum non deceat. Neque novum aut inusitatum est, ut in istiusmodi modesta et religiosa disceptatione rationes adducamus, ob quas nobiscum clementius agi debeat, dummodo id totum divine clementiæ ac voluntati permittatur: sic utique fecit vir sanctus Ezechias apud Isaiam dicens *Isai.* xxxviii, 3: « Obsecro, Domine, memento quaeso, quomodo ambulaverim coram te in veritate et in corde perfecto: » sic Moyses oravit Deum, ut ignosceret populo, cui eadem in deserto minatus fuerat, ne audiant Ægyptii et dicant *Num.* xiv, 13: « Non poterat introducere populum in terram, pro qua juraverat: ideoque occidit eos in solitudine: » sic David sepe suam infirmitatem ac dolorem ostendit, ut clementem Deum ad misericordiam inflectat. Neque aliud facit in sua disceptatione Job, ut bene Sanctus observavit; prius tamen quam cum Deo agat, ait vel se adversarios convincere falsitate, quemadmodum sequenti versu significat:

Vers. 4. 4. PRIUS VOS OSTENDENS FABRICATORES MENDACII ET CULTORES PERVERSORUM DOGMATUM. — Hæc sententia non tam graviter et injuriosa est quam verba sonare videntur, ut ex Hebræo et Græco cognoscitur: nam hebræa verba verbolenus convertendo sic habent, et vos compositores estis mendacii et medici fultes omnes; vel, ut alii reddunt, medici idoli, hoc est, meo iudicio, medicum vanissimum, archatri vanitatis, qui pro alexipharmaco salutaris nescio quis nugas et signemata proponitis, Græci autem ita convertunt, *ἑαυτοὶ δὲ ἰατρὸν ἄδω-*

Quomodo dicitur Job cum Deo disputare.

